

A1^v

Zum Chriftlichen
Lefer.

HJe haftu zusehen drey Chriften-
liche andächtige Predigen/ von
der vermeydung deß gewlichen
lafters der Trunckenheit/ auß
den Büchern deß heiligen Leh-
rers S. Auguftins/ Chriftlicher mainung/
on ainichen zůfat3 außgekogen/ vnd menig-
klichen zů nutz/ in sonderhait vnnd auffs new
zůfamen getruckt/ auff das die jenigen/ fo di-
sem schandelichen lafter vnderworffen/ vnnd
verwandt fein/ die gröffe folcher fünde erken-
nen/ Vnd durch eines folchen hailfamen leh-
rers/ getrewe ernftliche ermanung/ zů beffe-
tung jres lebens mögen verurfacht werden.
Dann/ wo sie die lenge inn fo vnflätigem/
schandlichen/ Teufelischen wesen vnd lebē/
mit dem vberfchwencklichen zůfauffen/ ver-
harren wöllē/ werden sie gewißlich leib vnd
Seel mitainander verderben. Derhalben fo
laft vns/ dieweil wir noch zeit haben/ durch
rechtge-

A2^r

gechtgefchaffne büß/ zû der Barmhertzigkeit
Gottes vnser zûflucht nemen/ vnd seinen bil-
lichen zorn vber vns/ mit Almûfen/ niechter-
hait/ vnnd dem gebett abbiten/ Damit wir
nit durch das ftrenge vrtheil deß lebendigen
waren Gottes/ in das hellifch feur/ immer vn
ewiglich verdampt werdē/ Daruor vns dan
durch fein Gôtliche gûte/ gnade/ vnd Barm-
hertzigkeit/ gnediglich behûten wolle vnser
Herr vn erlôfer Jefus Chriftus/ Dem fey mit
Gott dem Vatter vnnd dem Hailigen
Gaift lob/ ehr vnnd preiß/ von
ewigkait zû ewigkait/
Amen.

A ij Die